

A Fakakolekole ‘a Paula ‘i he ‘ene malanga. Kaletia 4:12.

❖ **“‘E kainga, ‘oku ou fakakolekole kiate kimoutolu”**

- Na’e ‘uluaki fakakolekole ‘a Paula ki he kakai Kaletia pea ne toki fai ‘ae fakaafe, koe ui ‘eni ki he loto ‘oe kau Kaletia.
- Ko ‘ene fanau fakalaumalie, ka ne ngali ta’e’aonga ‘ene ngaue koe’uhi ko ‘enau to’onga mo’ui. ‘A e fiema’u kene “toe langaa” kae ‘oua ke tupu ‘a Kalaisi ‘iate kinautolu.(Kaletia 4:19).
- ‘Oku feto’aki pe ‘enau tupu fakalaumalie , ko ia ‘oku fiema’u ke nau matu’aki liliu kakato. Pea ke ‘ia Kalaisi ‘akinautolu.

❖ **“Ke mou hange ko au”**

- Ne lahi ange ‘ene mo’ui muimui. ‘O hange ko ‘ene ui ‘a ‘Akilipa(Ngaue 26:28-29), Na’e ‘ikai kole’e Paula ki he kau Kaletia kenau fakatatau ange ki ai , ka kenau hange ko ia.
- Na’a ne fiema’u ke nau ma’u ‘ae mo’u fakakalisitiane na’a ne ma’u, ‘ae fiefia ‘i he fakamo’ui pea moe taha ‘ia Kalaisi.

❖ **“He ‘oku ou hange ko kimoutolu”**

- Na’a ne ngaue’aki ‘a e ngaahi fakatata angamaheni ‘i he ngaahi founga kehekehe na’a ne ngaue’aki ‘o fakatatau ki he fa’ahinga kakai na’a ne fiema’u ke a’u ki ai e popoaki.
- Na’a ne talanoa ki he kau fiepoto ‘o e ‘ilo(Ngaue 17:16-34). Na’ane faka’ai’ai e kau Siu ‘aki ‘enau koloa (tohi ‘a Hepelu). Na’a ne tala ki he kakai kaka ‘o Kolinito ‘a hono tutuki ‘o Sisu ‘i he kolosi. (1 Kolinito 2:2). Koe Siu ia ka na’a ne hoko koe Senitaile ke a’u atu ki he kau kaletia

B Manatu ki he kamata’anga. Kaletia 4:13-15.

- ❖ Na’a ne malolo ‘i Kaletia koe’uhi koe fokoutua hono fofonga.Koe faingamalie ia kene fai ha fakamo’oni ‘o ‘ene tui ‘i he ha’oha’onga ‘o e kau kaletia, ‘a e kakai ‘oku nau ‘ofa kiate ia, ka ne pehe ne nau to’o mai honau mata ke foaki kiate ia.(Kaletia 4:15). ‘I he faka’osi ‘o ‘ene tohi , Na’e tala ‘e Paula ‘oku kei palopalema pe hono mata (Kaletia 6:11).
- ❖ Na’a ne fakaha ‘a e ongo’i fiefia ‘e ma’u ‘e he kau Kaletia ‘i he taimi te nau ‘ilo ai e mo’oni ‘o e kosipeli.Kuo mole nai ‘ae ngaahi ongo ko ia???

C Tala ‘a e mo’oni. Kaletia 4:16-20.

- ❖ Na’e valoki’i’e Paula ‘a e kau Kaletia ‘i honau ngaahi ‘ulungaanga , ‘o tatau aipe pe pe ‘e maumau ai honau va.
- ❖ Ko ‘ene founga ne ma’a/ hangatonu. Na’a ne ‘ofa kiate kinautolu he na’e ‘ikai ke loto ke mole ha taha ‘i honau ngaahi ofefine pea moe ngaahi foha.
- ❖ Ne fehangahangai hono ‘ulungaanga moe me’a ‘oku ako’i he kau tangata tohi he ‘oku nau ‘ofa feinga pe kiate kinautolu.(Kaletia 4:17)